

**VENDIM**  
**Nr. 164, datë 27.3.2019**

**PËR KALIMIN NË PËRGJEGJËSI ADMINISTRIMI, NGA MINISTRIA E BRENDSHME DHE ZYRA QENDRORE E REGJISTRIMIT TË PASURIVE TË PALUAJTSHME TEK AGJENCIA E OFRIMIT TË SHËRBIMEVE PUBLIKE TË INTEGRUARA (ADISA), TË SIPËRFAQEVE 77 m<sup>2</sup> E 125 m<sup>2</sup>, DHE PËR NJË NDRYSHIM NË VENDIMET E KËSHILLIT TË MINISTRAVE NR. 1691, DATË 10.10.2007, “PËR MIRATIMIN E LISTËS SË INVENTARIT TË PRONAVE TË PALUAJTSHME SHTETËRORE, TË CILAT I KALOJNË NË PËRGJEGJËSI ADMINISTRIMI MINISTRISË SË BRENDSHME, PËR PREFEKTËT NË QARQE DHE NËNPREFEKTËT, ADMINISTRATËN E TYRE, PËR DREJTORINË E PËRGJITHSHME TË EMERGJENCAVE CIVILE (DREJTORINË E PMNZSH-së)”, TË NDRYSHUAR, DHE NR. 448, DATË 16.6.2005, “PËR MIRATIMIN E LISTËS SË INVENTARIT TË PRONAVE TË PALUAJTSHME SHTETËRORE, TË CILAT I KALOJNË NË PËRGJEGJËSI ADMINISTRIMI ZYRËS QENDRORE TË REGJISTRIMIT TË PASURIVE TË PALUAJTSHME”**

Në mbështetje të nenit 100 të Kushtetutës dhe të neneve 10, 13 e 15, shkronja “c”, të ligjit nr. 8743, datë 22.2.2001, “Për pronat e paluajtshme të shtetit”, të ndryshuar, me propozimin e zëvendëskryeministrit, Këshilli i Ministrave,

**VENDOSI:**

1. Kalimin në përgjegjësi administrimi, nga Ministria e Brendshme tek Agjencia e Ofrimit të Shërbimeve Publike të Integruara (ADISA), të një sipërfaqeje prej 77 m<sup>2</sup>, të pronës me numër pasurie 16/51-1, zona kadastrale 8571, lagjja “Kongresi”, Lushnjë, për t’u përdorur si mjedise pune për ushtrimin e veprimtarisë administrative të ADISA-s, sipas formularit të inventarizimit dhe planimetrisë, që i bashkëlidhen këtij vendimi.

2. Kalimin në përgjegjësi administrimi, nga Zyra Qendrore e Regjistrimit të Pasurive të Paluajtshme tek Agjencia e Ofrimit të Shërbimeve Publike të Integruara (ADISA), të një sipërfaqeje prej 125 m<sup>2</sup>, të pronës me numër pasurie 16/51 - 2, zona kadastrale 8571, lagjja “Kongresi”, Lushnjë, për t’u përdorur si mjedise pune për ushtrimin e veprimtarisë administrative të ADISA-s, sipas formularit të inventarizimit dhe planimetrisë, që i bashkëlidhen këtij vendimi.

3. Agjencisë së Ofrimit të Shërbimeve Publike të Integruara (ADISA) i ndalohet të ndryshojë destinacionin e pronave të përcaktuara sipas pikave 1 e 2, të këtij vendimi, t’i tjetërsojë ato dhe/ose t’ua japë në përdorim të tretëve.

4. Prona e përcaktuar në pikën 1, të këtij vendimi, të hiqet nga lista e inventarit të pronave të paluajtshme shtetërore bashkëlidhur vendimit nr. 1691, datë 10.10.2007, të Këshillit të Ministrave, “Për miratimin e listës së inventarit të pronave të paluajtshme shtetërore, të cilat i kalojnë në përgjegjësi administrimi Ministrisë së Brendshme, për prefektët në qarqe dhe nënprefektët, administratën e tyre, për Drejtorinë e Përgjithshme të Emergjencave Civile (Drejtorinë e PMNZSH-së)”, të ndryshuar.

5. Prona e përcaktuar në pikën 2, të këtij vendimi, të hiqet nga lista e inventarit të pronave të paluajtshme shtetërore bashkëlidhur vendimit nr. 448, datë 16.6.2005, të Këshillit të Ministrave, të cilat i kalojnë në përgjegjësi administrimi Zyrës Qendrore të Regjistrimit të Pasurive të Paluajtshme.

6. Ngarkohen Ministria e Brendshme, Agjencia e Ofrimit të Shërbimeve Publike të Integruara (ADISA) dhe Kryeregjistruesi i Pasurive të Paluajtshme të Republikës së Shqipërisë për ndjekjen dhe zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

**KRYEMINISTRI**  
**Edi Rama**

FORMULARI  
PËR INVENTARIZIMIN E PRONAVE TË PALUAJTSHME SHTETËRORE (Për inventarizimin e pronave të veçanta)

| Institucioni i pushtetit qendror: Agjencia e Ofrimit të Shërbimeve Publike të Integruara (ADISA) |                                    |              |                |                                                                      |                                        |                                                |                                             |                                                 |                                                           |                                                                                                                                                                                |
|--------------------------------------------------------------------------------------------------|------------------------------------|--------------|----------------|----------------------------------------------------------------------|----------------------------------------|------------------------------------------------|---------------------------------------------|-------------------------------------------------|-----------------------------------------------------------|--------------------------------------------------------------------------------------------------------------------------------------------------------------------------------|
| Bashkia: Lushnjë                                                                                 |                                    |              |                |                                                                      |                                        |                                                |                                             |                                                 |                                                           |                                                                                                                                                                                |
| Fusha e përdorimit të pronës: Për ushtrimin e veprimtarisë administrative                        |                                    |              |                |                                                                      |                                        |                                                |                                             |                                                 |                                                           |                                                                                                                                                                                |
| Nr. rend.                                                                                        | A                                  |              |                | B                                                                    |                                        |                                                | C                                           |                                                 |                                                           |                                                                                                                                                                                |
|                                                                                                  | Zona kadastr. dhe indeksi i hartës | Nr. pasurisë | Lloji i pronës | Emri i pronës, adresa                                                | Sip. totale e pronës (m <sup>2</sup> ) | Nga sip. totale: sa ndërtesë (m <sup>2</sup> ) | Funksioni për të cilin përdoret prona       | Institucioni/enti me përgjegjësi administrative | Institucioni/enti përdorues, statusi juridik i përdorimit | Të dhëna të tjera<br><br>Shënime të veçanta                                                                                                                                    |
| 1                                                                                                | 2                                  | 3            | 4              | 5                                                                    | 6                                      | 7                                              | 8                                           | 9                                               | 10                                                        | 11                                                                                                                                                                             |
| 1                                                                                                | ZK 8571<br>LU- J - 7               | 16/51-1      | Ndërtesë       | Nënprefektura Lushnjë (holli + shkallët), lagjja “Kongresi”, Lushnjë | 77                                     | 77                                             | Për ushtrimin e veprimtarisë administrative | ADISA                                           | ADISA                                                     | Një sipërfaqe prej 77 m <sup>2</sup> nga sipërfaqja totale prej 94 m <sup>2</sup> e pasurisë me numër 16/51-2 (holli + shkallët) kalon në përgjegjësi administrimi të ADISA-s. |
| 2                                                                                                | ZK 8571<br>LU- J - 7               | 16/51-2      | Ndërtesë       | Z.R.P.P Lushnjë, nënprefektura, lagjja “Kongresi”, Lushnjë           | 125                                    | 125                                            | Për ushtrimin e veprimtarisë administrative | ADISA                                           | ADISA                                                     | Një sipërfaqe prej 152 m <sup>2</sup> nga sipërfaqja totale prej 250 m <sup>2</sup> e pasurisë me numër 16/51-2 kalon në përgjegjësi administrimi të ADISA-s.                  |



SUPERFAQE ADISA

16/51-1 77m2

16/51-2 125 m2

